

CHINESE-JAPANESE COLLECTION
HARVARD COLLEGE LIBRARY
FROM HARVARD YENCHING INSTITUTE

MAR 23 1932

CHL 3145/267. F3

信陽州志卷之十二

藝文志

賦

月映清淮流賦

以題為韻

唐楊諫

地有四瀆其一也惟淮天有兩曜其一也惟月月
至明而不阻遐邇淮至清而可鑒毫髮故澄澈而
相暉况埃壘而初歇泛濫多象臃腫交映類藏冰
之在玉壺如臨水之懸明鏡引清潤而介若自潔
和素光而終然不競千里伴孤舟而浮百丈動纖



鱗之泳此所謂物至淨而增其淨也如其孕靈納
影委照淪精徐而匪濁攬之不盈蟾蜍下沉對蟻
珠而增美濬源圓折混金波而更清皓鶴奪彩玉
砂迷明如分舟子之望終起漁歌之聲此所謂物
無情而感以情者也古人有引類爲贈因物傷懷
風雲欲別琴酒相乖念居者已賦乎露濕寒草悲
行者則想乎月映清淮蓋旨哉月以陰而合德水
爲坎而處柔或麗天而成象或在地而引仁
者之理靜含道門之清幽有二美

休將

以求古之情多聞是務一則以紀其善一則以垂
爲裕以灰厭暈不學淮王之方進廣抽毫空作謝
莊之賦

鼓鐘于宮賦

以喻以鼓鍾自
中形外爲韻

李程

徵鼓鐘于前聞誠修身之善喻始自中出終能外
布此夫曠理必彰善惡之由將以審音不失洪纖
之度擊之于宮聲無不通乍超越以迴出竟周流
而四克聞之者足可以自誠聽之者於焉而發聰
若然則處暗室者可以慎獨在多言者曷若守中

豈徒夾兩樂滿九乳運四氣而應律合五音而中
 矩必將察理亂之變明是非之至播洪音於萬鈞
 在敏乎而一鼓審音以聽知風之自鐘之為喻警
 夫行道之人聲也何從出乎有過之地苟由中而
 既發諒聞外之難秘夫鐘之所響響而見聽人之
 所慎慎於未形雖扣之而在寢必聞之而盈庭禮
 失所譏想杜簣之揚解教之以義嘉大禹之勒銘
 和順積中辟訇發外可以掩笙鏞之逸響節干羽
 之繁會究彼所從爰自九重鏘然有聲初疑乎寂

之離磬鏗以立號如辨乎倕之和鐘其小也究而
 無滅其大也概而不容原乎其異察乎所以若禮
 之失惟鐘是此苟因聲而必聞信無良而可恥故
 能分清濁韻宮徵將有感於動心寧取樂於盈耳
 故君子之聽鐘非其鏗鏘而已

題係中后詩
句故錄之

待曙樓賦

明何景明州人
學憲

覽啟顯之危構孰崇基而筮營佩嘉名以繹義願
 朗景以抒情信哲子之所宅相地靈而兆成乃其
 首東明背西昧而陽負陰啓震藏兌拂蒼龍以飛

題朝青帝而標位棟梁岌業椽桷表延蜃抱疊屋
鳥翼層軒島嶼出沒以蹙沓江海匯濊而迴旋雖
形勝之輻輳匪游衍而荒適列圖史以考玩殫立
思於今昔庶獲道於朝聞恒警志而夕惕於是子
夜旣逾寅曉將發攬衾裯以起坐褰帷裳以佇察
鑒在戶之明星徂奔闔之余月賓暘谷以馳想候
濛汜而思結爾乃羲馭乍臨火輪在東陽鳥出鏤
天鷄應鍾光銷織霧氣流文虹忽赫勃以湧海稍
爛盈而吞江照楊柳於迴檻影扶桑於通牕曠蕩

黯湛霽開浩渺銀濤崔嵬金波煜耀雲霞收翠而
五色川嶠呈態而百巧魚龍躍而混漾鳧雁翔而
高矯忻萬象之昭晰張羣方之幽黝於是撫連楹
躡窺級納曲甍之輕噉散重檐之清旭謝季冬之
禾夜迎孟夏之修日繼宵慮於晝爲健天行而晷
畢定二儀之崇卑審四時之往還求不息之窾窳
悟有生之肇端動靜幾而互根晦爽代而循環聖
有汲古賢虞失今回守三月禹勤寸陰跡罔迷於
綺麗心恒創於參淫業階微以富有總有常而日

新晞白曜於首且感鳴雷於發春

述歸賦

全前

僕聞之殊途者不可以同觀異趣者不可以強翕
故嗜等者不媚之以瑟好圓者不進之以矩何則
殊途而異趣也故賈子投荆南舒屏江都屈原
遊澤畔三子者非容之不能謀有不合有不可以
容者矣故射者不爲人易其殼琴者不爲人改其
操故師可易而法不可易也是以物有不以貴易
賤富易貧榮易辱者矣故茂草不負垣美穀不生

韋懼所托者非也是故求樂其心者不求華其身
求顯於後者不求耀於今故夫子周流刪述墳典
筆削魯史左氏著國語馬遷抽史記荀卿董子之
流皆有論譏大抵困屈窮阨發憤述作茲數聖賢
者寧徒耀於當世哉僕少執寡味竊有慕於古人
之義弱冠卽仕出入班行者已越六歲頗有齟齬
之嘆焉正德戊辰主上御極之三年詔許罷歸鄉
里得侍親膳旣荷洪宥殊協夙情於是始欲究著
作之原博覽歷之勝竊附一家之傳庶艾不稱之

戒僕嘗以漢之文人工於文而昧於道故其言雜而不可據疵而不可訓宋之大儒知乎道而畜乎文故長於循轍守訓而不能比事聯類開其未發故僕嘗病漢之文其道駁宋之文其道拘反復求斯尙未有得要之鄙意則欲博大義不守章句而於古人之文務得其宏偉之觀超曠之趣至其矩法則閉戶造車出門合轍不煩登途比試矣又欲倣子長好遊之意抗志浮雲徹迹九有以博其大觀以成其文章斯亦不墜古人之餘烈哉於是故

出處之槩援聖賢之風掄始終之志作述歸賦豈敢自附於前哲用以勗之於將來矣辭曰有申氏之遺封兮吾顯祖乃肇家洎大人之有立兮遂振落而揚華爰伯昆之繼美兮惟末身以降予叶實獲夢之曰吉兮日舍寅而筮嘉予既承此幼美兮懼服志之不遐登隴阪之陂陀兮泛涇渭之洪波叶極嶠函之重塞兮由惇物與太華覽鄠鄠之餘風兮泝涑沮之遺歌叶宛城隧之湮沒兮哀二世之禍罹叶雖孺齒以隨侍兮虞年歲之日加飭華

驥以西返兮恐修路之蹉跎叶忽天門之廣開兮
 值日月之盛明音願自飭以進君兮得近君之末
 行鬱文昌之中興兮聳圖闕之印印揭華蓋於正
 殿兮翼玉闈之與金廂塊層臺之隆起兮麗複道
 之委長儼宮觀之榮瞻兮接修翼而翱翔奉鸞車
 之清塵兮竊黼帷之下光服恪勤於朝夕兮子
 衷之必揚倏天地之易位兮星辰錯而無綱聿迅
 颺之亟至兮會浮雲之徂征叶憂雪霰之交增兮
 履中庭之凜霜紛衆莽之凋毀兮恥孤栢之獨芳

曷予馳以流汎兮安崇卑之不臨北旱海之爛灼
 兮西太素之積陰冰五結以承輿兮霜霰霧而接
 岑南陸屈以暑徂兮或綬蛇之陵侵取岵夷以極
 行兮盼東海之漫淫叶天地之冥晦兮懼陵谷之
 隳沈速返轍以旋服兮息子丘之茂林終養恬以
 頤年兮厭子心之所謀世淆濁而莫察兮修短
 而不倫芻桂芝以秣蹇兮吝糠糲以飼人豢罷牛
 而被以文服兮良馬棄而不陳賤馨烈而不御兮
 反逐臭於海濱子夫鳳凰之不鳴兮豈云係夫

麒麟彼蘭草之國
祈齡兮吾又安
尤夫人亂曰南有嘉木有鳥居去聲
之朝破其巢夕則去之代愈下兮詩書道微曷曰
予不還歸卽彼昭昭去彼汶汶今則靡榮後有問
兮

秋月如珪賦

陳道臺觀風題
江淹賦中句

國朝

馬正午

州人進士

清秋良夜爽氣高橫碧空一色皓月孤行絕
於纖毫現本體之光明冰輪不足象其潔曉

足擬其清蓋素魄疑金天之氣寒輝奪白帝之輝
而又潤以玉露盪以涼颼故昔之人極摹其形狀
曲寫其晶瑩儼若執吳剛之斧造琬琰之質追琢
而後成方其暑未收火未流氣蒸南陸奇光遠投
猶似荆山之璞韞石而藏幽及夫輕雲斂長空淨
銀漢潛形列星四迸乃見特達之品光滿天衢而
莫之敢競若乃靈雨連宵暮雲凝閉此無瑕之美
質雁沉霧而絕無沾滯反若晦冥之中適借夫妻
風寒雨而彌加砥礪其或潢汗行潦混無鑒別此

無玷之真體遙映其中泥滓皆剝益信其懷瑾握瑜不可浼涅試之濁而愈清投之汙而愈潔吾不知丹桂香中廣寒宮側何如刮麝何如指拭乃有此體質抑亦仁寶之光華不雕而自出者歟爾其無瑕無玷極於如斯允肖夫聖人之德江漢濯之湛然澄徹而不間一私又何殊君子之躬完璧白持堅白並至而不磷不緇於是徘徊徙倚悠然而動遐思思有道明王執此以為守鎮兮則光臨四海清晏可期又思曰翰康侯分此以為瑞節兮

古詩

行露

商 召南申女

厭浥行露豈不夙夜謂行露露誰謂雀無角何以穿我屋誰謂女無家何以速我獄雖速我獄室家不足誰謂鼠無牙何以穿我墉誰謂女無家何以速我訟雖速我訟亦不女從

崧高

周 尹吉甫

崧高維嶽峻極于天維嶽降神生甫及申維申及甫維周之翰匹國于蕃四方于宣壘壘申伯王纘

之事于邑于謝南國是式王命召伯定申伯之宅
登是南邦世執其功王命申伯式是南邦因是謝
人以作爾庸王命召伯徹申伯土田王命傳御遷
其私人申伯之功召伯是營有俶其城寢廟既成
既成藐藐王錫申伯四牡騶駒鈞膺濯濯王遣申
伯路車乘馬我圖爾居莫如南土錫爾介圭以作
爾寶往近王舅南土是保申伯信邁王饒于御申
伯還南謝于誠歸王命召伯徹申伯土疆以時其
張式邁其行申伯番番 于謝徒御嘽嘽周邦

機賦

懷馬進士君卿

全前

君卿素所欽密意宛相向醉酒似馬周讀書薄劉
向時人固不識古志益骯髒試觀同遊子魂礪盡
英行

懷行人孟望之

全前

孟生瑚璉器英邁徵古篇登泰夙所望望洋豈徒
然欽趨瞳顏後抗志恥盧先吾方抱任釣倘借襄
陽編

還至別業 二首

明何景明 州人

雞鳴高樹杪狗吠墟里間
 家人望車徒遠客造門
 端入門問所親上堂敘
 悲歡行人暮飢渴秉燭具
 盤餐明月照西戶三星爛
 中天出門踐野草白露
 忽已溥十年苦行役茲夕
 方來旋寧知非夢寐忽
 忽心未安

詰晨親交至筐榼攜所需
 各言平生歡念子久離
 居綢繆語未畢展席臨前
 除園菜亦已抽况有盤
 中魚人情倦懷土富貴豈
 常於無為泥形迹所囿

恒相俱

雜詩

全前

西陸移修晷素節多寒陰
 端居屏營慮凄氣慘人心
 浮颺委時卉零露傷青林
 仰見孤雌翔玄鳥無遺音
 蟋蟀何愁苦終夜長哀吟
 感物興慨歎憂思孰能任

馳輝在西山返景流東隅
 群欣被光灼何能待須臾
 重陰肅萬物樹木日夜疏
 叢蕙植幽闥含榮耀前除
 佳人渺雲端何由致區區
 常恐霜霰至委棄

不我需

答何大復

明 薛蕙

宵懽不繼晨朝遊豈延夕歎念未云周勞心彌已
積篤好追昔悰興言撫今戚纏綿金玉音參差翰
墨蹟開帙虛靈閣臨觴望瑶席惠思小章裹裳
奉良覲

贈孟望之

全前

迢迢東流水悠悠遠行子送子出邁時離別自今
始山川一間之相望日千里徘徊蹊路側思心從
泮起人生百年內聚散誰能止壯年豈再得良時
不可俟念我平生懽眷眷未云已

賢山

明 樊鵬 州人

前賢已無及今日稱賢山賢山抱中城蒼翠青雲
間望之如芙蓉寒江對幽閉青蔭遠相庇高峯不
能攀我隨振鷺侶西眺開愁顏舉酒啜佳茗極賞
暮言還山頭松月淒萬古光區寰

與大復先生夜話

明 戴冠 州人

共坐夜深沉清談雜古今感慨孤燈下各慰相知

心相從此百年自誓無晴陰但恐癡絕子昧昧非知音

賦得何仲默

明李攀龍濟南人

仲默自天秀弱齡負遐矚十六遊京邑藝苑策高足揮毫坐華觀懷人理清曲歸來放情志日晏從所欲結好玩遺芳明德以相勗古道諒寡諧遂令傷局促

咏王胤昌

明王世貞太倉人

太史瑚璉姿葆真鏗光相與余一談藝瀟洒神

王傾蓋豈必深惟為成辯諍蘊藉叔度流縱橫
京上疏草就磨滅苦心將誰向

西河泛月歌釣石

明王納言州人

城西七里陂歸然一釣石理檝有參軍羈心抗逸客遡洄控上游野曠展瑤席還見蛟鱷從詎直魚蝦噴鼓柁百鱗翻玻璃萬頃碧垂竿者誰子照耀烟嵐夕仰天長叫嘯坐磯忘今昔儼逝渭川湍忽瞻嚴陵烏龍潭自澄澄高山何奕奕雲中入蓬島月下泛赤壁茂對觴暢怡無間隔披篔簹一水

涯笑傲乾坤窄

行經平靖關

明

何洛文

州人少宗伯

南山秋色高崔嵬盤千里形勝控淮南要害轄楚
 尾峭禱入雲平崢嶸拔地起巖岫何渺冥岡密多
 剌巍遠近建霞標高下去天咫飛流瀑如練彌望
 樹若薺蔽隱變且月峻絕饒壁壘中徑巨靈擘箭
 栝通迤邐一夫當莫開丸泥封可恃必爭想齊梁
 雄吞弔申芊山人雞自鳴陟頓馬頻止坂折摧車
 輪石危妨屐齒重繭疲征人濟勝愜遊子九塞

居一殼函壯堪擬屢憩始及巔崇墉冠峯陞古
 棲寒鴉蕭條惟羽士踟躕天塹空關門氣正紫慚
 非青牛駕彷彿逢尹喜曠緬俯中原悠然酌清醴
 聖德方無外車書混文軌出關無用傳設險亦徒
 爾沂衝屬廟廊願言圖至理

避暑南城樓田子藝貽以雙鴛雛并詩率爾奉

和

明

王祖嫡

州人司業

有美雙文禽飛止共朝夕胡為遺兩雛短羽尚淺
 碧不能使狐衛鴛鴦尤異者養雛於土窟間能使狐衛其子寧敢笑鷓

天得非詩人羅獲異如臯射比翼若憐鍛交頸似
相暗雖媿閉鷗清幸免腐鼠嚇放爾之寒塘同栖
愜幽適顧影戢芳姿乘時養彩翮主人鳳池賓愛
護永不迫

西樓登望

明 劉尚質 澤州人 御史

盤紆危樓開清眺凄風發簾櫳凝烟光岑闕空木
樾遐川自滌洄蒼峰儼突兀俯矚扁舟橫誰為解
纜漉大觀已塵氛人生多飄忽豪宕良難儔一首

對秋月

採藥天石阪

明 王星壁 州人 諸生

仙石饒靈藥獨在薄言采清晨荷鋤去杳然入蒼
靄境絕異凡區地迥逼真宰神芝動黃芽塵骨嶮
如改虛無翔順風漸與自然會資生詎外益葆中
非他待生即憾有涯理或超無外

曾貞女苦節紀實

明 王孚 江寧人 確山令

南山有青松北山有翠栢松栢亦奇哉歲寒不改
場上栖雌雄禽分巢未比翼雄者忽羽化孤鳴何
太戚可憐貞女情幾與靈禽匹銀漢水盈盈鵲橋

未卜吉泉臺渺難追自願無善術終夜但啼號啼
號復何益堂前有老親厨下無擔石蓬鬢爲誰容
四時勤剪尺掘葛半盈筐歸拌糠粃食悲酸祇自
知冰蘖非一日守貞三十年天心竟怡懌姓氏道
宸聰史成標彤筆淮水清更幽賢山峯萃嶽山高而水
長芳徽永不息

貞烈姚女紀實

國朝

萬

侯

州人
孝廉

聞道昔陳姚待字甘貧苦幽貞淑秀姿慘彼強隣
侮矢志戀所天視彼如仇虜訟獄漫相誣不爲

威武刎頸在公堂官吏皆驚顧白日頓無光逢天
示直怒北闕進鳴冤榮膺身後祐迄今百餘年靈
爽常相聚魂夢感儒生碑碣殘風雨軼行難罄書
搜取十之五憲收錫褒崇城南封塚土瀝水並賢
山芳名亘萬古

七言歌行

古松歌

明何景明州人

賢隱寺傍之古松奇絕可此徂徠峯問之故老迷
 歲月但見皮肉屈疆苔蘚裂高枝上掣玄冥風迴
 柯反掃陰崖雪藤翻蔓卷空林黑集霰流烟豈終
 極斧斤相顧畏盤錯梁棟誰來誇正直昔予山遊
 駐車馬行吟屢憩茲松下松根老僧為開徑野色
 巖姿坐生暝葉暗秋燈梵殿深花香晚飯齋廚靜
 一年幽憂不到此寧知摧折空山裏龍盤虎拏終

有神白骨蒼鱗半粘死滄波古岸霜氣夕碑碣猶
看數千尺石上連朝走雲雨山中十月飛霹靂千
靈百怪相護訶過客居人盡憐惜君不見泰山五
大夫零落今看在何處滄海空流使者槎悲風暮
起將軍樹嗚呼人生富貴竟何益松乎松乎吾當
爲爾誅茆傍青壁

潘節婦

全前

二十君辭房六十妾在堂紅顏爲婦白首孀昔
抱女今已亡風火炎煙黑隣里相救失顏色未嘗
之人安所從我不避火天返風意嗟嗟妾雖有
看無子身未化石心不死

扒山兵行

馬

鐵

制

扒山兵古來戎卒無此名昨日府檄下州縣長
惶恐州人驚是時里書各射利檢報誰肯輸忠誠
辦中五百皆下戶囚首赤腳東南行承平久不經
爭戰州人誰識弓和箭押官催促早出城父子相
看泣如霰西江豺虎正縱橫別時休問何時見乃
知生女勝生男女生不死他州縣南征北守真可

憐天寒日暮他鄉邊龍車鳳輦無消息淮水悠悠
何日旋

重光崖怪松歌示王子文若 明 劉永利 尚友子

君不見參華古松生絕奇山深歲老成虬螭幾謂
他山難再得忽遇此間一雪之初來梯險與相見
擁腫支離令人眩無復尋常木栢形其身其幹奇
而變踞崖挂空圍數尺而心剛骨撼危石有何抑
在不得伸怒髮糾鬚爭相 參華森杰摩蓋幾三
其方為察其端忽見一古等整崖看別

蟠踞空而生無此 至循幹求之即其委不將上
度量思踵反為杜杪為趾其傍兩枝擘蒼霧豔相
揖拱無阿附停雲蓄雨陰無方子落隣封成大樹
我來驚嘆為摩挲鱗鱗霜雪生枝柯顧笑王子世
有怪松怪如此三度來遊此度為之歌

邵狄門自信陽寄余採蕨篇蓋為貞孝朱曾氏
作也廬紀甚詳而哀音慘狀不忍卒讀感而

賦此 國朝 翁運標 餘姚人 桐栢令

採蕨歌胡悽惋空山寂歷弔哀猿聲慘慘兮腸寸

斷又如孤鶴叫大荒愁雲黯翳靡宵旦茫茫天地
安終窮惟此正氣撐長空丈夫徒自誇鬚眉旣然
奇節挺閨中昔聞崎山鮑氏女厥夫未面誓身許
有姑在堂貧且病績月紉霜供厥茹此事流傳直
至今此風落落已千古峩峩靈山實鍾靈涼村有
女足與銘是女是婦任人呼獨葆真性還蒼冥梁
安在乎猛欲渡浪拍濤掀芴驚顧危巢偏架老樹
巔雨雨風風那得妬故人示我採蕨篇行行字字
血痕鮮按節長誦誦未已悲風索索起庭檐攬衣

孤臆長嘆息仰看皎月正

鴻鴈歌 見墓碑

姚女

挽長弓插雙箭要射天邊雲裏鴈那識一心戀舊
羣哀鳴直到金臺殿

言律

遊賢首山

梁蔡道恭南陽人

向來欣夙昔結駟快茲遊
木落川原淨鳥鳴烟霧收
取狂尋危處上倦向興中休
為解登山理穿雲望故丘

落落垂衫袖翛翛着羽翰
初當半嶺坐兼得衆峰
看幽闌陰常暝籠葱氣不寒
更窮巢鶴處只恐下來難

使還至菱陂驛渡澗水作

唐劉長卿河間人刺史

清川已再涉疲馬共西還何事行人倦終年流水
間孤烟飛廣澤一鳥向空山愁入雲峰裏蒼茫閉
古關

過申州傷經陷沒

全前

舉目傷蕪沒何年此戰爭歸人失舊里老將守孤
城廢戍山烟出荒田野火行獨憐潯水上時亂亦
能清

過申州

戴叔倫

潯州人
刺史

萬人曾戰死幾處見休兵井邑初安堵兒童未長

成冢風吹古木野火入殘營牢落千餘里山空水

復清

駐紫霞觀

方干

新定人

易覺春光老難消夏晝長問囚傷道氣嚼句療饑
腸殿古苔痕澀壇高松檜涼黃冠誰可語試與辯
亡羊

淮上秋夜

劉方平

旅夢何時盡征途望每賒晚秋淮水上新月楚人
家猿嘯空山近鴻飛極浦斜明朝南岸去定折桂

枝花

遊賢山寺

明張昂

久聞賢隱寺今日喜能遊山聳千峯秀溪蟠九曲
流鳥鳴蘿樹暗僧定竹房幽坐久塵機息涼風雨

袖浮

阻雨明港寄何仲默

明李夢陽大梁人學憲

白日雲猶動青山雨心來計程今夜會策馬出村
回月對荆門上天從夢開旅燈依港宿吟苦獨

徘徊

微微斜日舒彼美碧山隅信宿猶難遣經年祇重

吁花含明日豔月助此宵孤久擬申城醉香膠與

爾沾

吾州

明何景明州人學憲

遼邈吾州地名從申伯來通淮一水下入楚萬峯

開舊國無遺廟寒城有廢臺秋如獨臨眺懷古意

悲哀

三關

仝前

楚塞三關隘雲峯入望重何年戎馬地空有昔人

蹤積水沉秋堞長烟帶古烽乾坤當失據饕餮任
群兇

遊賢隱寺次馬君卿韻

全前

繫馬長松下風烟幾日留
秋孤嶂開僧舍千峯繞佛
公求

渡淮

全前

津口風翻加春陰鬱未開
流衝古岸沙店倚
臺烏向平蕪下人隨返

夜酌

夜酌黑龍潭

全前

川流一曲抱峭壁萬年開白石傳杯坐青天送月
來蛟龍亦白舞鷗鷺豈相猜誰識仙潭上天留此
釣臺

九日同馬君卿任宏器登高四首

全前

歲歲重陽菊開時不在家那知今日酒還對故園
花野靜雲依樹天寒鴈聚沙登臨無限意何處望

京華

遠地宜登望秋光薄暮濃樓高窺萬井潭迴落千
峯花爲重陽發人懷百歲逢同遊俱俊彥尊酒得
從容

清思逢佳節孤懷憶遠遊河山還似昔烟樹不勝
秋故國浮雲去高臺日暮愁牛山元有恨休訝淚
長流

向夕楓林爽行吟未擬回明霞積水外落日古城
隈鼓角秋深怨風霜歲晚催莫將遲暮意孤負菊

酒杯

登釣臺

全前

野澗窮秋出雲寒望未開萬峯遙駐馬殘日更登
臺水落龍蛇蟄一作沙空鴈鷺來孤懷對搖落吟
罷有餘哀

登堅止寺

全前

西峯插天起絕頂寺門開雲裏一僧住山中無客
來落花平講席積草徧香臺我欲問清梵焚香坐
不迴

九日同諸友登賢隱山四首 全 前

九日西山上登臨思渺然高城過一鴈疏柳歇繁
蟬勝槩仍佳節同遊似往年休將竹葉盞空對菊

花前

古寺來遊日高秋雲物清樓臺萬里目時序百年
清野樹斜侵郭河流曲抱城明年當此際誰與共

題名

野望秋無賴西風城樹凋浮雲滿天地落日更蕭
條醉舞隨長劍哀歌逐短簫龍山高興者千載竟

難招

薄暮經行處千巖落照深孤松秀雲壑眾草莽寒
林故里登高興平居懷舊吟風前一感慨不異古

人心

登釣臺二首

全 前

歲暮荒臺上孤高望不窮亂山浮落日遠水抱寒
空野鷺時親客江鷓晚避風終期謝城市來此伴

漁翁

出郭冬初暮登遠日已曛碧潭寒吐月孤嶂晚生

信陽州志 卷之三
雲名姓嫌人識悲歌欲自聞沙鷗莫飛去應共爾
爲羣

劉朝信讀書山寺

全前

嗜靜山中寺藏修此度年白雲千嶂裏清夜一燈
懸書卷留孤客盤殮傍老禪何時騎馬至訪爾古
松邊

登西巖寺二首

全前

西林禪誦地石壁倚天開曲磴千盤上飛泉一道
來園禽巢古殿野鹿過香臺共坐題詩暮山花落

酒杯

野寺千峰裏遊人一徑深
牕喧石澗水殿落翠巖
陰花樹三春暮山川百代心
天風日夕厲難止最
高岑

登堅山寺絕頂真武廟二首 全前

古廟堅山上丹青碧蘚封
遊人不到處一老自鳴
鍾絕壁飛泉掛危峯曲逕通
岩巖一以望頓覺世
塵空

同來息心石不避捨身臺
洞裏烟雲出牕中日月

開孤僧絕頂住遊客半空迴不盡登高興無人送
酒來

雨後次孟望之

全前

斷雨藏申浦殘雲霽晚空人家亂水外野艇夕陽
中風急鳴江鶴天高落塞鴻滄浪浩歌起身世羨
漁翁

宿淮上寄仲默

明王廷相儀封人
大司馬

旅泊清淮夜扁舟怯獨行風鐘半淪滅水月共微
明放逐甘吾道相念友生高歌視雄劍不覺壯

心驚

同唐應德遊龍泉寺

明孟洋州人
中丞

苦憶珠林迴欣遊寶地偏瀾泉天外落樓閣雨中
懸梵語聞猿過經行見虎眠凭欄花似雨身世卽
諸天

見說青蓮宇叨陪金馬遊衣冠來北極文藻勅南
州卷幔峯巒入停軒雲霧流慚非名勝地司馬好
冥搜

同孟望之遊龍泉寺

明唐順之武進人
中丞

寶地風塵絕琳宮日月偏鴈來還繞塔龍去尚留

泉戶裏天花落空中梵樂傳遠師休禁酒客醉欲

逃禪

渡淮

明馬

錄州人
御史

淮水深秋淺中流忽見灘岸峯過雨碧沙樹著霜

丹一日程初晚孤舟興未闌南通江漢迴應識禹

功寬

遊賢隱寺

明戴

冠

州人
學憲

不到翠微裏悠悠二十年石橋斜斷路雲木上參

天古洞藤迷處高僧雪滿巔重來更何日久矣欲

逃禪

宿慈氏寺

明

張九方

錫山人
司理

好山行盡日攜被宿僧房虛牖籠雲影疏簾透月

光天寒雞唱早日短馬蹄忙愁別高僧去塵埃徧

下方

申陽山行

明

何

遷

德夫人
侍郎

昔別三關雪今歸四月花山春餘谷鳥野色入人

家溪滿巖陰直林盤澗道斜雲霞得棲息此意浩

無涯

遊鮑參軍方亭

明 王納言 州人
僉憲

參軍豪且逸愛客醉還醒
傍竹皆瓊樹看山一水
亭尊同秋露白座入晚
峯青彩鷁徐飛動寧能
向海溟

遊普濟寺次唐荆川年兄韻 全 前

驄馬遊名寺山陰覆古臺
林逢僧共話鳥勸客傳
杯飛瀑千峯落層巒四
面開風雷忽爾作暮雨
漫相催

遊鐵佛寺

全 前

佳眺逢初夏名山映碧霞
病懷千百種僧院兩三
家雲閣層峯對虹橋一
逕斜如來聞鐵佛過去
有桃花

遊賢隱寺

明 張四知 州人
僉憲

青巒兼碧水寺古復林幽
花逕含朝雨松巖帶早
秋堦前苔不掃洞口鶴
相留薄暮方歸去霑衣
翠欲流

董峰寺

明 何洛文 州人
少宗伯

經過頻望岫此日恢幽尋萬仞常埋霧諸天總布
金飯慙香積供坐愛緣蘿陰人定逢僧臘誰知出

世心

過淮懷何啟圖宗伯

明 朱碩勳

爽氣秋山肅風烟黯不迷隔雲淮水北阻雨穆陵
西地窄容旋馬關開不假雞登臨望賢首還待侍
郎攜

賢首山房夜雨

明 王祖嫡 州人 司業

春雨朝何急僧堂夜轉空驚雷爭衆壑敗葉響

峯小榻諸天上孤燈萬木中塵緣消淨界無語

元江

普濟寺次荆川先生韻

仝 前

石磴逢僧引荒林喜夜從嵐光迷古閣秋氣爽

峯對月吟山鬼憂時想臥龍更思投老計一洗

緣空

重過龍泉寺

仝 前

重過龍泉寺溪橋尚宛然泉聲疑遶榻峯勢欲摩
天古殿多秋色疏林逗晚烟追思遊此地一別已

經年

遊釣魚臺

明

趙南星

高邑人
家宰

雨後水增波蘭舟入芰荷
鷗隨漁子渡笛雜榜人

歌巨石中流見青林
夾岸過看山情未已忽覺暮

雲多

弔蔡烈婦

明

朱家法

上海人
州守

匪石真同操司風藉有光
兩心靡慝千載肯猶

香早及黃泉見應流青史
方平生崇節意為爾一

裙裳

秋日王思延何令升邀同楚人邱仲儒遊賢隱

寺

明

劉鳴瑞

州人
明經

古木鬱蒼蒼相攜過上方
千山秋色淨一榻晚風

涼往事悲梁壘清尊對楚狂
興來聊一醉何必問

行藏

南郭村居卽事

全前

徙倚秋風外依微見遠山
童誇黃犢飽人似白鷗

閒楊子任爭席劉伶善閉關
浮生原是寄休訝鬢

毛斑

寄王思延參戎

全前

萬里東征後三軍左袒初若乎稱大樹吾也不材
樗雨雪憐鴻鴈音書寄鯉魚生涯如問訊晴日荷
春鋤

遊雙林寺

明王延世 祖嫡子 將軍

秋來多遠興騎馬到東林瞻此無為境因知不染
心涼風疏葉下斜日亂峰沉徒倚高樓上惟聞清
梵音

同王觀察次先太史壁間韻 全前

寂寞存先蹟嶙峋嵌碧空事如分異代境尚繞千
峰殘墨微茫際孤吟黯淡中塵埃今自慰披拂

宗工

再遊賢山寺

明劉尚質 州人 御史

重來十塔寺即上半山亭秋入花仍放詩成醉已
醒近巖雲白白依壑草常青唧唧蛩吟夕長松月

滿庭

逍遙遊山庄秋日雜興

明劉尚樸 州人 兵憲

孤村秋欲暮殘月曉來寒早起山烟碧迢垂楓葉

丹林平無虎窟河曲有龍蟠寧得攜尊酌年年與
客看

車馬經過少山人樸野多出門疏禮數避地絕風
波一飯無兼味三杯祇自歌乍驚時物變可奈世
情何

石門山居

明 王延酉 州人

返服從初志南山定隱居松牕陰寂歷石瀨響虛
徐病長稽公蠹情聞惠子魚倘逢城市客為謝懶
題書

山中雜興二首

全 前

清溪深幾曲林下見茅齋霜果寒垂牖風自東
階境幽生事嬾道薄俗情乖坐望雲味寺微鐘落
半崖

中峰新卜築空翠正當牕藥氣薰丹井松陰遶石
幢存思精後見煩惱定中降每憶開尊處山花撲
酒缸

西山瀑下照空亭落成

王星壁 延世猶子諸生

一榻懸雲際三楹闢澗隈如家無子女似寺有尊

疊雪瀑珠璣箔秋出錦繡堆熾然聲色裡却較少
塵埃

秋日泛臺湖

明 王星奎 延世子諸生

出郭意方適悠然望遠空寒山猶帶翠霜葉漸能

紅返照湖波亂穿雲鴈字正棹歸新月起香動晚

荷風

水月庵晨起

全前

曙色方微及殘星半就凋晴霞浮水西窗霧縠
腰鐘動鳥啼村人渡橋紅塵從此集誰能

開法華齊梵語蘭若卽松關正欲開尊酒丹崖

錫還

古寺同登日清秋野望時看山惟酌酒移竹且圍

碁雨霽鐘聲早雲來月上遲石牀與藜杖嬾性頗

相宜

春日陪管觀察遊賢山

國朝 傅登榮 益州人州守

微雨山嵐薄疏林野寺開鐘聞僧不語花照客銜

杯竹野園蒼節松陰覆奕臺春風試一醉踏破晚

蒼苔

冒雨中陽道

國朝 莊 鏞 嘉興人 監司

塗泥驅跋段攬轡陟危岡雲濕千重翠風搖萬頃

黃劍光沉閣淡鈴雨作琅璫不盡綬時願余懷殊

未央

平靖關雨後

國朝 曹申吉 安陽人

濛濛終夜雨雲在牛山中宿處烟霞靜行來竹石

通流懸千仞碧樹老一巖紅樵牧聲俱寂應逢採

藥翁

登賢山遠眺二首

國朝 張瑞徵 萊陽人 監司

農事春方急烟寒迴閉門空庭惟宿鳥古樹不依

村忍話桑蠶樂頻聞虎豹蹲由來爭戰地風雨欲

招魂

春日同郡倅彭立人遊賢山寺

國朝 賈待旌 襄垣人 州守

不識賢山路來披野壑風雲移雙鶴下人息萬峯

中嵐重常霏雨泉高遠飲虹招提零落盡猶有一

叢

並轡閃開眺深山問採薇一尊春色共千里夙懷

非慧日從空轉天花向客飛此中堪吏隱免令宦
情微

劈破山

國朝

薛

耳

武進人
羅山令

開山真巨斧靈異削天然亂擁千層嶂中開一綫
天水光摩絕壁月色映平川汗漫遊何極歸心謝

杜鵑

冬日登賢山

國朝

高翼辰

灤州人
副使

霜風遊古寺松月上迴廊花引東山醉僧知北海
狂蒲團何淨寂蓮宇自輝光回首河橋晚橫空

一行

過王東園照空亭

國朝

劉蓀芳

州人
明經

人天留勝跡割取最幽清飛瀑當簷落山禽匝樹
鳴道心依貝葉香飯煑青精何用尋圖畫知從摩
詰行

賢山雪中二首

全前

艷雪清相逼香臺轉不同兜綿藏衆岫藍玉刻千
松竽火禪生悅巢鴉箭挂鋒天然縑素裡摩詰在
施工

虎溪來一笑詩思灞橋同朗映霄明月清音澗裏

松桃津迷渡棹葱嶺峻談鋒五出明朝事翻憐滅

化工 次日立春

登士雅山卽祖述屯兵處時屢聞寇警

全前

修巒藏舊壘排雨獨登遊沙帶孤城遠山連泉岫

幽疏鐘聞佛定急羽識師柔誓志中原日千秋感

壯猷

夏日憩浴珠潭

國朝 劉 檝 孫芳子進士

小憩茵苔石林深澗更幽葉翻 山嵐澗靜數

頭峯日暮相轉松風灑未休此景逃酷暑不羨鑑

湖遊

雙井店

國朝 王星室 州人庠生

綠樹千山裏新鶯弄曉音關雲連楚塞澗水人淮

澗野店深藏谷孤村遠隔林却因輿馬上隨地得

清陰

再遊賢山

國朝 王補之 州人恩貢

結想無爲境重來度石關鳥鳴和梵貝人語響空

山亦岸松千樹深林月一彎何時營半榻投老白雲間

節婦袁劉氏

崔琳 永濟人 監司

正氣鍾坤道貞閨姓字芳柏舟存勁節彤管發幽光瞻彼賢峯峻溯茲澗水長流傳千載後骨朽土

猶香

賢嶺松風

張鉞 清苑人 州牧

蒼翠千松秀盤紆一逕高未秋聞爽籟無冰聽警濤長嘯空中應孤琴象外操每懷賢隱跡高臥屋

塵勞

澗河泛月

仝前

雙槳蕩晴川蟾光散暮烟珠隨天上滿鏡向水心圓桂席飛杯學蘭言勝管絃映淮良可賦同此對

清漣

申峇朝暉

仝前

何代留孤塔干霄不記層葱葱佳氣合藹藹暗光凝玉樹風堪倚金莖露可承此邦多綵筆特立看

飛騰

魁樓晚照

全前

雄郡通南紀巍樓接上台軒窗華景集城郭夕陽
開烟細髮初結霞明綺半裁憑高恣遊騁鐘鼓未
須催

龍潭瀑布

全前

立馬層崖下凌虛瀑布來濺花飛霽雪喧石響晴
雷直訝銀河瀉遙疑玉洞開緣知龍伯戲擊水不
能廻

雷沼噴雲

全前

鴻鈞通竅處雷沼在山巔薄霧初浮水瀉雲已在
天篆絲重疊吐簇絲半空懸散作霖朝雨千村漑
稻田

龜山晴雪

全前

玉屑初初滿龜山近可尋微青依淺瀨積素入空
林氣爽初陽動人無一點侵祇應掃片石把易契
天心

長臺古渡

全前

臨涯呼野渡桐栢發源長漲急篙能渡波平草可

杭烟光通爽岸雲影泛中央四牡津常問湖湖意
不忘

過李氏山庄

劉 儼 州人

秋陰暗野色斜日照屋東遠水疎楊外寒烟曉
中到門雞犬靜入座俗塵空我有避人志相期

外同

梁王壘

全 前

壁壘今猶在旌旗何處尋荒烟冷苔石落日
林曲澗年年寫曉巖片片陰興亡千載事

風吟

遊龍泉寺

全 前

纔轉松陰路花宮咫尺間人驚低樹鳥風扣上堂
鑽入座逢吳客登樓望楚山為乘遊興至誰與問

禪關

早別潘氏山庄

全 前

棲鴉驚古木殘月在高岑曙色孤村蚤人烟疊嶂
深草迷來日路花戀去時心別後相思處微風動

竹林

賢嶺松風

國朝 郭際雍 州人廩生

昔賢高隱處遺嶺擅清幽
松密烟迷望風翻翠欲
流梵閣多寶刹坐愛滿林秋
疑是蓬萊境申南作勝遊

澗河泛月

全前

皎月澗河照泛臨景自除
樹烟歸遠嶂城郭現平
沙澗市燈明滅漁舸火淡
斜幾多清意味也足答
壻華

中塔朝暉

全前

一柱衝霄出俯臨萬姓
屢曉噴爽氣絕頂繞晴
烟旁矚龍光起仰瞻牛
斗懸巖城憑作鎮近日
歷年

魁樓晚照

全前

蒼牙高百尺勝致晚偏稠
飛靄碧連棟斜陽紅半
樓千峰廻照迥萬井暮
烟收佇看文風振魁光
匝郡浮

龍潭瀑布

全前

瀑入龍潭裏恍從天上
來澗澗奔雪浪灑灑響
晴

雷素練波中織白雲嶺半開丹青描不就遊客借
詩裁

雷沼噴雲

全前

凌漢雷山起危巔沼水清魚游波若峙雲作岫都
平靄靄從龍出霧霧覆野橫獨欣靈氣降為雨濟
蒼生

龜山晴雪

全前

日現冰花聚龜山態不羣絛絛浮霽色玉甲帶寒
雲烟淡遥嵐接晶明近郭分東郊堪縱眺曠致今
人醺

長臺古渡

全前

淮漲長臺下客途盪渡舸胎簪來白浪泗水接洪
波山色中流映村烟兩岸多乘風懷壯志鼓楫莫
蹉跎

五言律

雙井

明 胡如暘 鄱陽州守

鑿破雲根兩竅齊
寒漿洄洄淨無泥
千尋並浸天光迴
一色平分月影低
素練銀瓶爭上下
石闌荒蕪隔東西
道邊好種梧桐樹
照見雙鸞枝上棲

遊賢山寺

明 袁洪 州人 縣丞

石徑蒼苔入遠山
烟霞深處隱禪關
五更梵語聞天上
六月秋聲滿樹間
洞口龍歸雲漠漠
巖前虎臥水潺潺
昨來因結東林社
也得僧家一日閒

震雷山龍沼

全前

雄峯高聳白雲端上有靈池總不乾
半夜龍歸風雨惡九霄雷震骨毛寒
丹崖古木啼黃鳥絕頂飛流響碧湍
何日塵緣能謝却結廬此境坐觀瀾

遊賢隱寺

明李夢陽大梁人學憲

谷寺鳴鐘午未深耽幽特與伴相尋
行穿樹杪樓臺見坐傍山腰紫翠沉
獨響澗泉傳石竇並飛梁燕入松陰
徘徊自笑三關客佇望誰知萬里心

春望柬何舍人

前

城南望春春可憐小苑高樓生暖烟
幾家芳草腸處無數落花吹笛邊
川原萋萋人暮雨車馬駸駸少年欲
向仙郎誇白雪陽春久矣絕人傳

九日寄何仲默

全前

九日無朋花自開登樓獨酌尙登臺
孤城落木天邊下萬里浮雲江上來
但遣青尊常不負儘教白髮暗相催
梁南楚北無消息寒鴈風高首重回
同高鐵溪先生劉朝信兄宿賢隱寺次韻

何景明州人學憲

信陽州志 卷之三
雨過青山暮色來僧堂客至燭花開半空樓閣星
河動滿院松梧鶴鶴回浮世黃塵兼赤日古人白
骨已蒼苔兵戈此際同杯酒愁聽春城鼓角哀

秋興

全前

千年申國有提封楚塞重關渺未窮舊事祇看東
逝水高臺不斷北來鴻連山落木蕭條後隔坐殘
花悵望中正是平居多感慨底須辭賦答秋風

溪上

全前

溪上茅齋不掩扉西風初罷芰荷衣月寒沙柳蕭
蕭落天晚江鴻肅肅飛野客哦詩水邊立家人
酒夜深歸相逢醉語休辭數城外黃花漸覺稀

賢隱寺別劉朝信

全前

臘近孤城送客難一尊蕭寺共悲懽山空木葉鳴
風急水曲松林背月寒岐路人間防躍馬十年天
上憶鳴鸞知君此去長安近擬向雲霄直北看

葉四公子西園

全前

邀客西園公子家東風二月已飛花巷遮碧柳行
春馬樓倚青山落暮鴉移席尊罍遙出浦入舟燈

火更依沙清吟况接同鄉彥應有文星動水涯

登謝臺

仝前

故國蕭條登此臺暮雲春色轉相催蓬蒿滿地悲
風起樓觀當空倒影來山鳥不隨歌舞散野花會
傍綺羅開今來古往無窮事萬載消沉共一哀

題注淮橋乃耆老胡永儉造

仝前

鑿池垂梁為衆謀共看百尺駕長流彩虹閣雨滄
波曉鳥鵲橫雲碧漢秋楊柳欄邊閒駐馬蒹葭渡
口自維舟濟川事業平生志回首江河思未休

遊郭氏園

仝前

郭侯園林清客心况有樓閣炎天陰亭亭高雲石
五色颯颯白日松千尋已辨清尊為樂事不須出
郭開塵襟鄭谷秦樓豈異此市朝巖壑空長吟

遊賢隱寺

明孟洋

州人

暑殿清風繞萬松夕牕殘月隱千峰焚香習靜山
花對倚杖凭高野衲從路轉澗樵遙聽笛巢歸塔
鶴一鳴鐘欲知塵世珠林隔門外烟霞更百重

鮑揮使邀遊賢隱山

明馬

錄

州人

久居城市無佳興並客尋幽山寺中野衲形容
舊日林花開落自春風尊前月滿將軍樹洞口雲
留御史驄自古勝遊難可再請君莫放酒杯空
九日孟無涯攜酒過宴遂次韻

明戴冠
州人
學憲

寒
寒破高天南國看花記往年夕下清尊攜
過訪霜前碧蟹具新鮮半霄素月閒宜賞何處秋
粘急可憐旅食淹留驚節候嵩河懸望隔三千

送孟望之使寧夏

八前

漢家開詔篤親親族節聞君又入秦欲為朝廷宣
聖德卽今落國識王臣青羗日落笳聲遠赤坂春
來草色新却喜西陲正無事漫將籌策說驚人

九日醉別袁驥驄

明
胡廷祿
雲南人
監司

清酒重陽一滴無蒲萄獨醉執金吾將軍大樹雄
三楚野老扁舟挾五湖燕雀有情鴻鵠遠江山依
舊旅人殊寒江菊蕊同今夕淮水西頭月色孤

寄戴戶部仲鵠

殷雲霄

醉後分攜不記吾晚宜堂畔費招呼人歸別浦江

聲遠鶴舞開庭月影孤邂逅我堪懷叔度風塵誰
復問狂夫他時相憶還勞子已約東溟舊釣徒

遊賢山寺

明 楊吉 關中人 監司

石上飛甍梵帝家蒼松摩日霽烟霞波搖樹色浮
天渚山寫秋容隱法華羅徑漫通僧舍迴竹牕重
向佛堂遮一聲清磬垂楊裏猿鳥時馴立浦沙

讀何仲默集有感因贈其甥李將軍

明 王世貞 太倉人 司寇

舍人罷視西京草寂寞荒城付野蒿海上空憐駿

裏骨人間尚有鳳凰毛河盤砥柱千流轉天入

原二曜高聞道將軍成宅相不妨詩卷付弓裘

賀何公兄弟翰林

全 前

胎簪峯色轉嵯峨桐栢雙流逼絳河學士班中鴻
序近舍人池上鳳毛多追鋒次第穿花萼下直翻
聯響玉珂聞道相麻饒潤筆弟裁兄草定如何

淮川道中望投宿處

明 孫永思 蒲州人 按

平沙古道促華輶別思茫茫滿去流楚塞望迷晴
樹澗泰山心折暮雲稠百年白髮身猶客四月黃

花麥欲秋落日淮川問孤
寂寥烟火隔芳洲

謁子貢祠和侍御孫公

明孫渭
閩縣人
監司

近郭松篁翠作圍昔賢祠屋儼依依一春草迳鶯
相和四月山城花不飛弭節偶陪旌從入摠衣重

挹俎筵輝因懷闕里宮牆地仰止當年思欲微

遊袁文卿震雷山莊

明王納言
州人
僉憲

南山隱隱臥龍蛇雲樹葱蘢洵可嘉初夏晚涼綠
客到小橋曲徑逐門斜杖藜緩步尋瑤草載酒行
歌問野花迴望河梁維纜處孤郵松竹幾人家

春日遊賢隱寺次樊南溪

仝前

丁年疏濶遠山隈此日登臨古殿開花隱竹垣虛
法座雲迴松嶂迴樓臺上人未許初逢客多病何
能數舉杯碁局面談香霧合洞門深鎖且遲回

遊紫霞觀

明岳東升
州人
部郎

紫霞臺閣接層霄海上三山望不遙時有真人龍
虎見更傳上帝鬼神朝春回洞口千桃樹風轉簷
牙雙玉簫乘興便思生羽翼青天倘有赤松招

遊賢隱寺

仝前

賢首山深松樹多上方臺殿迴巖柯前朝戰壘來
梁魏今代詩篇得李何坐擁天花僧不語行雷霏
翠客頻過為尋蓮社清狂侶昏黑攜尊捫薜蘿

鷄頭石

仝前

鷄頭石在千山裏芳草詩傳亦有名突起雲霄疑
健鬪乍驚風雨欲長鳴絳冠日曉丹霞擁繡羽春
晴錦樹生身世百年真一肋夜深起舞不勝情

泛舟西池

池即學塘田廣文改為大夫湖

明何立

州人孝廉

宮畔橫塘畫鷁開戎闈西望倚申臺弦歌不減菁

莪化禮樂時傳太守杯五馬爭看飛蓋擁三鱣誰
進講堂來豪游勝事真堪記况有相如作賦才

龍泉寺對雨

唐順之

武進人 中丞

西山爽氣朝來歇倏忽元陰滿四陲雲裡樓臺翻
借色雨中花樹更多姿飛虹弄影搖丹嶂瀑水分
流射綠池坐覺禪宮倍幽寂凭闌把酒最相宜

春日遊賢隱寺值雷雨

明何洛文

州人少宗伯

黛色氤氳暗碧峯郊原新綠漸茸茸雲流苔蘚春
連騎電繞松杉晝掛龍觴咏雅宜今雨集江山空

有昔賢蹤塵清坐覺花壇靜咫尺金仙庶可逢
閏三月遊賢首山題寺壁同李大夫

明 田藝蘅 錢塘人 州學正

西園飛蓋出層塵爲試風雩綉袷新領畧烟霞原
有主經綸天地更何人間樵堪洗頻年胃把酒難
酬再閏春月上萬松車馬散桃源歸去欲迷津

君子亭賞荷花

全前

里無松竹憐君子隰有荷花是美人翼翼孤亭照
暑淨娟娟萬木倚涼新凌波月出天連水捉塵香

生語絕塵太華峯頭仙種在製衣何必問靈灼

和田子藝前韻

明 李元齡 華陽人 州守

爲耽佳興邀仙侶助飲風流媿主人翠蓋乍傾因
雨重紅衣初試出波新池涵月影雲同濕座入花
香夜不塵爲問西施何處采賞心莫計酒成均

晚過申伯臺

卽立魯公碑處

王士性

天臺人 中丞

天南地北此孤原淮水千秋古碣存遠樹烟霞迷
晚翠近城燈火接黃昏桐花半落風前路燕子雙
歸雨後村張望崧高何處是幾回芳草憶王孫

遊賢山寺

全前

步入虛堂翠欲微
松濤萬壑撼巖扉
平蕪過雨新於沐
絕巘孤雲去若飛
稚子扳蘿攜酒至
山僧戴月荷鋤歸
陶然一醉知何往
天地吾廬此息機
山間風雨坐來收
境入禪房草樹幽
欲識浮生歸淨土
緣知吾道在滄洲
烟林漠漠前溪暮
石髓泠泠古洞秋
相對夜牀無一語
翛然月色下西樓
何啟圖劉玄子諸君遊鐵佛寺病不能從

明王祖嫡
州人司業

南巖幽桂有芳叢
並馬衝泥霧靄蒙
飛瀑寒生壑暝重
嵐晝繞萬峰同慧
雲淨護青蓮地法
雨聞聽紫紺宮可
信維摩常示病不
能花逐下山風田
子藝改學宮西池
爲大夫湖語具叙
中文甚工而事甚
奇且以詩示因次
其韻

全前

方塘近傍泮池開
一鏡空涵申伯臺
小艇忽驚人舉棹
中流卽有客傳杯
窮源叠欲乘槎去
問字何當載酒來
爲賞嘉名誰作賦
登高原屬大夫才

重遊龍泉寺

明周繼文 州人 孝廉

寶地重臨好避譁
霏霏零雨暗爛霞
餘寒雛雉鳴
深竹新水遊魚趣
落花踪跡漫勞漁
父問留連須
費遠公茶年來萬念如灰滅
不信禪林不是家

咸喜堂懷古

明沈孝徵 海鹽人 監司

孤城一帶擁雲屯
萬木參差古徑昏
山合亂流空
翠遶路當煩暑濕蒸
渾魚書迢遞傳兵禁
鳥道任
遲入劍門憶自周邦咸喜後
千年日月照王孫

題布政司行臺

明洪翼聖 歙縣人 監司

性僻飄飄水上鳧
清平不厭半錢無
民窮何堪
濟色客到無能佐
僕夫自媿野人疏
沼蕙權澤
侶挹冰壺蕭蕭車馬
山城度紫氣飛來豁我愚

何大復春雨草堂卷

黃似華 內江人 部郎

何李文名舊鴈行
信陽今幸鱗餘芳
簡編常似春
華麗遺構猶疑夜
雨香牛耳誰盟
賡白雪鳳毛幾
世重青箱饒知仲子能
繩武翰墨淋漓龔錦囊

前題

李本固 汝陽人 御史

當年詞伯早登壇
遺構巋然入畫看
的爍青藜天

不夜陰森綠樹晝常寒風遠壁堆圖史雨落千
峯長蕙蘭餘韻於今歸仲子雲霄萬里見鵬搏

遊鐵佛寺

明楊漣應山人
諡忠烈

何年鐵冶鎔金仙勝占靈峰地最偏徑入深林迷
苑轉庭撐古栢拂雲烟談經案近巖巔月煮茗鑪
毫蔚壁泉藜杖看山時憇此翛然疑到小壺天

寫何宗伯登東山

明劉鳴瑞州人
明經

東山不遠城之東山上千松兼萬松溪流曲曲
紋似稻田離離碁罫同黃花編插清狂客紅袖

將鑽鏢翁迫隨飛蓋最高頂把酒吟向西來月

秋夕同諸公登南城樓

明王延世州人
將軍

蕭瑟高天大火流啼鳥杳杳女牆頭數聲哀遂三
更月一夜西風萬里秋東去逝波歸渤海北來寒
鴈叫汀洲諸公莫道登樓興樓上偏令詞客愁

迴月樓詩依韻答社友

明黃文煥州人
孝廉

淪落羞稱市駿臺悠然小飲徑初開橫牕自喜群
書擁載酒寧期二仲來梅破暗香招月上燭添寒
影逐風迴紅塵滿眼終何事今日盟壇列異才

雲遶層嶺樹遶樓振衣到此亦豪遊疏狂共擬追
元亮艷麗無須貯莫愁夜靜氣干河漢色詩成聲
振帝王州高歌劇舞杯頻進遮莫霜華送戍籌

秋日奉邀沈永思副憲登樓

明 劉尚樸 州人 兵憲

多病疏慵殊未醒高樓登望始開肩秋深對酒峰
仍碧雨豁同君眼更青四面風雲團野况百年冠
蓋駐文星幸逢庾謝閒登眺楓落瀨川鶴下汀

寄何伯子山居

明 王星壁 延世猶子 諸生

聞爾移家碧澗東盡拋書劍作山翁避兵茅屋傾
花樹防饑蔬畦種菜叢眺罷鞭牛疏雨外酒酣射
雉夕陽中有時對客閒捫蝨極目秋雲送去鴻

遊賢隱寺

李胤華 汝陽人

沿溪十里入烟蘿遠見招提擁翠螺苔色正宜新
霽後松風偏向晚涼多拂琴嬾作清商曲把酒聊
為白石歌欲別山靈仍致問風塵何日許重過

讀書賢首山寺

明 劉永泰 尚質子 孝廉

一片濤聲上石樓連宵雨妒麥將秋諸天鐘梵清
聞語十里松杉翠欲流橫韞猶能全楚璧時平何

處試吳鈞頭顱未信今如許又聽深林叫栗留
 白社經年此締盟雲烟檻外幾遷更揮毫欲落羣
 峰撼把卷高吟萬木驚擬向藜輝傳舊業羞從月
 巨問時名憑誰寄語鷄壇侶篋裡陰符揣已成

亂後經賢山

明 劉永豫 尚質子

郭外青山不厭尋昔賢於此傲朝簪長松影暗白
 雲合孤磬聲微蒼蘚深石井泉香空鹿跡洞門蘿
 月自猿吟十年回首行歌地榆日窺人負此心

郡樓觀漲

明 劉永元 尚樸

北海樓 一倚以樓仲宣情思黯難收
 合曙色

村 狂波萬里流瑤圃何方通秣馬林田

已 兼葭漠漠金風動天末伊人起暮愁

同友人遊賢山值雨和碑上韻

國朝 王星室 州人 庠生

尋幽重訪舊山阿結伴相將信步過一逕浮烟籠
 翠竹半空飛雨濕青蘿溪聲午夜同僧梵鳥語深
 林雜牧謔惆悵昔賢高尚志芳名千載杳難磨

憶賢首山寺

全 前

幾度夢尋山上寺
清秋更憶寺前山
新開樓閣諸天逼
舊種松杉萬壑環
南去峯巒青作障
西來沙水白浮灣
風塵歷盡茲邱好
擬結雲巢伴衲閒

入武勝關

全前

雄關高抱楚峯稠
峽樹谿泉氣色幽
地展屏垣分兩界
天留鎖鑰壯中州
勞勞車馬千年路
冉冉風烟八月秋
萍跡漢江歸路晚
隨鞭殘照滿林坵

仲春拱橋觀桃花

國朝 陳聯璧 光化人 監司

晴春烟靄俯丹葩
落日荒村牧笛譁
偶爾攜尊真絳雪
恰如拈紙寫朝霞
橋分野色溪流漫
柳拂清陰驛路斜
一捻溫風輕拭靨
武陵豈必在天涯

畫舟泊師岸

全前

映簾山色遙含黛
環楫波聲淡似秋
挂月瘦藤搖碧影
隨風飛葉雜輕謳
嬾宜魚鳥形常放
老覺朋尊興倍稠
士女聚觀人倒載
可應還是習池遊

秋日衙齋讌集言懷

國朝 彭 熿 桐城人 監司

清風當晝自南來
小院閒亭面面開
白雪驛前佳客至
蟠龍月底彩雲迴
藥欄正欲三時雨
秋浦還

傾一葉杯烽燧何時消骯髒年華未許鬢相催

九日賦歸

全前

琴鶴相攜志弗酬清風兩袖賁鳴騶霜花有意迎
朝發黃酒無心泛夕流窮部不堪悲滿目皇恩未
許過三秋優游此日歸非晚駕水湖頭把釣鉤

春日同彭粥岑觀察遊賢山

國朝

羅應選

州人
孝廉

高人浪跡世情疏十里春暉過梵居鳥語長吟

奏響花飛古錦流裾投簪不欲驚猿鶴結

煩較笠車蘿薜空懸賢去久清風遶座自虛徐

和前韻

何瑞徵

州人
宗伯

翠微佳氣自扶疏聞道前賢此卜居瀝水鏡清成
帶礪雷峯鼎峙接襟裾錫飛常待金仙駕星聚歎
逢憲使車天下蒼生思謝傅暫時着屐意舒徐

何大復先生祠堂

傅鶴祥

汝陽人

赤幟當年樹信陽每從遺墨思津梁千秋著作兼
班馬一代文章駕漢唐巖壑猶含靈秀氣泉源未
竟蕊珠光蒼松鬱鬱參雲際仰止賢山草木香

申陽郡署中秋對月

國朝 王廷伊 介休人 州守

但看山郭入秋清况值中秋月倍明尊酒共懽情

歷歷松風雜珮韻錚錚露華如接青雲壑桂影遙

瞻玉兔生城闕斗牛俱燦爛天涯鴻鴈一行鳴

城樓觀澗水雨漲

國朝 張瑞徵 萊陽人 監司

長河渺渺帶城洄城上南山積翠來絕岸奔濤天

外落大風烟樹望中開層樓莫辨蒼茫色曲磴全

聞瀑布催暫臥滄江無限意孤舟誰泛白雲隈

諸子借與焉

國朝 賈待旌 襄垣人 州守

翠幕朱旗度碧流曾聞遊豫賜民休神韜一出清

東微勝事晨興率小侯芘黍仍膏申伯壤匏尊豈

廢謝公游習池解換賢山飲賴有名賢共勸酬

侍張觀察郡樓臨眺

全前

爽氣朝來滿義陽丹樓從眺俯扶桑西山日月開

金掌南極車書盡越裳經授臯比饒竹箭霜凝畫

戟實欃槍自今相國行春地時有晴霞映太常

灑漲汎舟

全前

雨後山溪漲翠流鳴榔把盞自優游招攜幸有夔
龍客湖沐慚非李郭舟月上萬山波湛碧花飛兩
岸鳥含幽吏清此夕清疏甚爲訝王猷興早休

登賢隱山寺

國朝 彭之位 辰州人

去去高峯尺五天雨餘春色澹朝烟凭觀壁立真
耶幻漫拭苔封古也鮮千百年松孤處秀兩三聲
鳥靜中澹堪憐前哲真高蹈不使人間姓字傳

郡樓讌集

全前

把臂登樓楚塞西清尊直與白雲齊滿城花柳憑

闌遍百里烟巒入望迷野袍暫抒拚倒載文星
對見新題春光莫遣遄歸去明日還同聽鳥啼

仲春郡侯課農

胡斌 越人

霽日剡行侍使車且詢清畝竟何如一泓碧聚添
新水萬井烟籠識故廬桑柘影依村婦饁鯨鯢波
晏太常書援琴更撫高山操月亦同來照太虛

經信陽憶何大復先生

彭而述 鄧州人

一代鴻儒獨擅場紛紛餘子漫披猖陶甄軋茁歸
元化橐鑰風騷入混茫自古才人奇命數當年宰

相惡文章中原相遇麋韃去白豹山頭李夢陽

出隕阨塞有感

國朝戴珏冠曾孫明經

誰開榛莽織高軒夾石空留虎豹蹲天縱五朝分

半壁地當九塞限中原民勞敢憶泥丸閉廟算猶

煩玉節屯極目蕭騷深緯恤一鞍斜日下孤村

避暑紫霞觀

國朝劉蓀芳州人明經

桃源近在市東隈挈榼扶筇點碧苔化鶴已隨青

鳥去晴霞還過赤城來丹臺迴隔軒車夢華髮空

憐河朔杯獨有如龍雙翠栢層陰會閱劫前灰

春晴同社中諸子遊賢山寺

得沙字

全前

三旬嚴凍縮如蝸蠟屐同人醉晚霞負爇遊魚

漲雪逸群嘶馬散平沙疏鐘出寺穿雲遠曲徑盤

松引翠斜萬法祇今歸六觀便從初地隱袈裟

九日登郡城南樓

全前

楚烟千疊黯難收面面秋聲上戍樓把菊幸逢今

日醉凭高重憶少年遊興衰不入輕鷗夢身世真

浮古渡舟最是丹楓無意緒故侵華髮動人愁

秋日遊賢山

仝前

駭紫紛黃冒岫阿秋光未許掩門過攜來中聖酣
林竹緬想前賢帶女蘿井里久歸蕭寺草行藏近
愛楚狂歌人間亦有高堂讌此夕清尊興不磨

遊賢山

李匡倫 州人

昔也嘗遊憩晚涼登臨今日感滄桑晴霞掩映山
如繡陣鴈直橫字幾行欲覓賢踪無姓氏且隨僧
榻話蕭梁松濤一派天風響可許長歌效楚狂

秋日陪郡侯遊賢山和眼聽和尚韻

國朝 張宰 州人 選拔

澹澹秋林掛夕暉紅塵掃盡白雲飛不嫌月到堂
開牖一任風來自掩扉嘯木山猿如喚夢啣花石
鹿總忘機何人叅透其中味野鶴舒翎天際歸

前題 國朝 王補之 州人 恩貢

遙天霽色燦靈暉為訪招提逸興飛夾澗鹿遊深
竹塢層崖鶴欵亂松扉但能吾道存三石了却禪
門第一機乘興捫蘿窮極頂烟雲收入錦囊歸

春季月課 國朝 李廷基 鐵嶺人 州守

東風官閣曉寒輕坐愛琴書一榻橫
案牘停時旋課士吏人散後有啼鶯
花明春檻文心麗香島晴
應詩思清笑我無成偏技癢含毫撫
几尚多情

同友遊滴水巖

國朝王臨州人
孝廉

書城徒擁帶春愁喜逐諸君選勝遊
提榼不知山徑遠穿林漸覺水聲幽
摩雲劍氣森如掛脫縷珠簾散不收
自笑塵顏堪對此居然個個是清流

攬勝橋中何大如前輩

國朝王觀州人
明經

留連為愛清幽景對此清幽却可憐
無字水聲惟自訴有情花色為誰妍
啣盃興致歡今日觸景風光感昔年
高士祇今何處覓徒餘孤塚草芊芊

登郡樓遠眺

張鉞清苑人
州牧

為愛公餘霽景和故懷攬勝郡樓過
楚山烟染青如黛
水風翻白似羅
古寺僧行高下路平林樵
送短長歌田翁更
慶駕車滿倚杖欣欣笑語多

謁端木夫子祠

全前

景仰前賢謁古祠松陰竹影逕逶迤
直從性道傳心處想見廉平布化時
四面好山齊到檻一泓活

水碧通池千秋遺鏡宮墻迥長向官方服訓辭

過何大復祠遺址

全前

野篁簾瑟徑苔荒異代猶傳姓氏香
儕侶應求嚴黠陟奸邪消長
夾行蕪紫毫揮去才如海白簡飛
來筆有霜台輔未登身早歿常留光
燄在文章

排律

雨後溪園卽事

明何景明 州人 學憲

偃息春朝宴輕陰散野園
山雲行翠壁溪雨度河源
鷺浴晴相倚鳧飛暖自喧
疏楊映遠岸細草入平原
開徑徒懷侶臨流且避諠
豹終隨霧隱龍豈怨泥蟠
鴻鵠皆千里鷄豚自一村
幽棲何限意難與世人論

九日登堅山十韻

明孟洋 州人 中丞

辭喧來野寺九日復登臨
遠樹垂天際孤城帶雨

陰風雲盤衆壑鴻鴈避危岑騎轉奇葩亂泉飛雜
 珮侵穿林饒虎跡俯礪有龍吟作賦慚先哲遊觀
 愜素襟帽隨楓葉墜杯映菊花斟何事牛山淚空
 懷鷲嶺心泛萸香細細攀桂碧森森歸臥空房寂
 猶聞長嘯音

普濟寺同孟望之賦

明 唐順之 武進人 中丞

宛轉靈峯合微茫鳥路通閑來竹林下醉臥石房
 中陰澗泉先凍陽崖蕊尙紅攀蘿探虎穴憩石俯
 蛟宮上客思留帶山僧不避驄夜深清嘯發流響

崦澗難隨霰舞響已與雷潛汨箸啼都咽鮫珠泣
 盡沾希聲猶瑟奏微沫僅魚噉璣綴堆枯蚌膏凝
 掛死蚌巖頭垂乳長潭面凍痕添著樹瑤花密穿
 沙玉笋尖長懸天女珮不捲夜明簾虛管鵝脂溜
 修翎鶴羽燭雨飛肯變雹海立悉成鹽卓爾迎狂
 颺晶然射曉暹爲憂饑獺苦遂恐螫龍殲鹿飲疑
 源渴猿拔畏确銛青膚凋石髮翠鬣駁松髯異相
 非形擬新題漫口占嵐深光自映月上境逾恬奔
 激真堪抑碎句亦可嫌粟肌誰近對炫目獨翹瞻

靜得便高枕清宜傍短檐
凌堅崖善滑陰重曉多
燼煮雪攜茶具衝風却酒帘
尙應供白足更合謝
朱炎擊澗崩雲日傾湫折嶽兼

遊雙林寺還憩竹溪書舍

明何洛文 州人少宗伯

遠寺臨南麓青莎郊路平
群鷗向渚沒匹馬傍林
行雲氣蒸山色松風助水聲
僧閒禪榻靜日午梵
鐘清闕地殊涼燠炎天忽雨晴
高梧將脫葉叢菊
已抽英晚酌懽中劇疏星醉後橫
何知蔣詡逕遊
從忝題名

登士雅山

相傳卽祖述屯兵處西望有梁王壘

國朝劉倣 州人序生

望山將半老始上翠微巔
與頭顱並雲將衣袂
連松濤迤遠岫柳浪滿晴川
一塔殘烟外孤城返
照前飛鳧下遠渚野馬逐遙天
花色盈梅塢春光
遍麥田迴瞻梁氏壘
忽念祖生鞭愁目平原豁
雄心峻嶺牽詩成石壁錄
人醉草茵眠再約登臨會
寧知復幾年

登堅山

仝前

堅山作萬仞踴躍上雲端東眺申城邈南瞻楚嶺
 寬遠村明積水陡澗急鳴湍日近眉初爽風高衣
 乍寒訪僧聞晝唄入戶見幽蘭古碣剝苔讀長松
 落帽看題詩留石洞載酒列蔬盤盼鶴情俱遠捫
 蘿興未闌尊前月皓皓巖下霧漫漫歸鳥沿途問
 登臨可盡歡

望賢山憶肯堂大升二上人 全 前

不到賢峰已數秋嵐光終日逗雙眸曾攜斗酒松
 風鳥共對山僧花雨樓萬丈嶺頭觀月出千尋澗
 底看雲流梅花邀客過幽岸竹影隨人下碧鈿
 日詩盟朝露盡六朝風物晚烟愁南村遙望空
 悵獨向池邊狎野鷗

五言絕句

環碧堂

宋畢公信

寬
方塘納霽景一碧共晴寒
微波坐來息人意亦不

環翠堂

仝前

群山關設險高屋照多陰
晴嵐度丘壑疏翠上衣襟

宿遠瀄橋

明何遷 德安人 侍郎

花外山連屋林間水遶門
楚天春雨夜家在武陵

源

信陽道中卽事

袁宗道

巉巖繞眇畦小徑通車馬卽此是桃源問津何爲者

四顧忽無逕僕夫何所往俄聞車馬喧疑在空中響

山下無人踪山上無鳥語惟餘一片雲見我來遊此

雲中忽犬鳴豈是劉安宅近看爨烟青人家枕山

春

潯南訪隱者

國朝

劉

叔

州人

衣冠棄巢許印壑老夔龍何處尋高隱潯南第一峰

七言絕句

渡淮

唐吳融

紅杏花時辭漢苑
黃梅雨裡上淮船
兩迎花送
如此辜負東風十四年

赴關過申州經石子鎮驛

即白雪驛

宋鄭文寶
寧化人
殿中丞

得罪前朝出粉闈
五原功業有誰知
年餘放逐無人識
白雪關頭一望時

義陽元夜
明太祖製

義陽城裡值元宵水色梅香共寂寥不似上年燈
火邸玉人歌舞過柴檐

題州署紙帳

明 胡壽安 縣人 州守

紫絲步障最奢華臥雪眠雲白一家雪又不寒雲
又暖扶持清夢到梅花

任滿謁城隍神

仝 前

一官來此幾經春不愧蒼天不負民神道有靈應
識我去時還似到時貧

和前牧胡壽安韻

明 武志學 秦州人 州守

竭來宣化布陽春一念孜孜只為民步武前修
敢後等閒憂道不憂貧

題岳鄂王廟中香爐

明 高 鑑 州人 太守

半夜祈靈向石壇月華渺渺露溥溥西風吹破神
仙夢白鶴飛來寶篆寒

曉曦未發彩雲紅金鴨飄搖篆靄空乞得此生磨
一劍斬蛟剛到水晶宮

日午空庭樹影斜篆烟飛送五侯家東風剛為傳
消息分付鷄聲早振衙

月明一炷裊香烟萬里無雲湛碧天識得人心真
絕處此香端爲此心傳

吾申古要害地也閑居興懷追咏古跡作詩八

首

明何景明州人

西來一道是淮源南向千峯盡楚山風雲尙擁蛟
龍窟天地曾開虎豹關

寂寂孤城申伯臺廢園遺沼盡堪哀繁華惟見東
流水歌舞空傳此地來

南山西嶺自天來翠壁丹崖映日開不見當時臥
龍者只今惟有釣魚臺

仙人昔返上清家留下仙壇號紫霞世人不識蓬
萊樹道士空餐松柏花

郡西山畔舊禪宮朝暮風烟多不同已見樓臺翠
微裏更聞鐘鼓白雲中

震雷山頭石潭水夜月蛟龍行雨歸青春下與滄
溟會白日常聞霹靂飛

楚關申戍鬱茫茫野草春沙更斷腸山頭僧住何
年砦山下人耕古戰場

故謝城邊溪水流
郢中風物盡堪愁
行人欲問陽春曲
此地猶傳白雪樓

任洪器草亭四首 全前

蔀簷當午溪雲度
花重寒枝閣曉庭
芳草閉門春寂寂
東風吹雨半池青

薔薇深院無行跡
風到閉門掃綠苔
明月滿庭香襲襲
野塘新水藕花開

繞屋南山秋色靜
數枝寒菊一籬烟
酒醒讀罷秋聲賦
風落松梢響石泉

門外水流雲自起
雪峰半出草堂西
孤舟欲作山陰夢
月冷梅寒共一溪

釣臺 全前

釣臺臺下瀕水清
釣臺臺上秋草生
當年誰是持綸者
賢隱山高萬古情

平昌關述所見 朱頌勳

淮水西邊日半明
平昌關下彩雲迎
山中綠桂花零亂
小立殘陰吸鳳笙

贈王胤昌宮庶四絕句 明劉鳴瑞 州人 明經

紛紛詞客滿公車
綵筆看君賦子虛
却羨雲間仙
掌露漢皇偏得賜
相如

聞說蓬萊海上峯
飛仙來往日從容
如何弱水三
千里邈隔烟波不可從

玉皇香案起居臣
染翰朝朝侍紫宸
下視塵寰烟
霧隔那須不念折腰人

漢家才子鬱如林
作頌王褒藻思深
爲問鑿坡常
視草金蓮幾照夜沉沉

震雷山

崔琳
水濟人
監司

東遠岫勢崔嵬列陣排
空翠作堆靈沼龍騰風
雨急一聲劈破萬門雷

賢隱寺

仝前

西垣香臺路幾重
山門隱隱白雲封
老僧喜得渾
無事喚醒人心半夜鐘

釣魚臺

仝前

山麓層城傍曲隈
龍潭碧水自潑洄
不知誰是垂
綸者崖畔空留一釣臺

賢山

仝前

入山空自慕前賢祇見奇峯插遠天翠壁蒼松籠
日月丹崖古洞吐雲

城樓觀瀨水

仝前

憑眺申陽佳氣浮長河一帶抱城流碧波蕩漾光
無際水滿晴川月滿樓

環中皆山而著名最稱賢嶺公假偶一登陟見

蒼松翠竹掩映茂林刹內數百年老桂一株

亭如蓋又石洞石井石洞參差傍寺前後

遊覽歷歷均屬勝境之尤著者即景含毫因

成六絕

張鉞清苑人
州牧

松

夾道松針破嶺雲苔纏皮裂罩斜曛高情想見陶
貞白謾謾無端滿徑聞

竹

簇簇新篁翠欲浮紛披鳥哢戀枝柔碧烟斂拂青
嵐掃好待傳神月一鈎

桂

仝前

幾度滄桑贖桂叢森森綠老壽宮生來自耐風

霜苦漫許凋零百卉同

洞

全前

穿徑捫蘿到嶺頭雲封古洞日
為幽箇中境闢乾坤
小花自芬芳水自流

井

全前

石竇泉香照面寒銀瓶素綆汲巖端
繫腰漫笑筭鏗怯見小伊誰尚坐觀

澗

全前

潺湲粉練瀉山腰石徑寒濕翠饒
清碧聲隨泉

詩餘

奉詔撰詞

調寄萬年歡下三首同

明 宣 媯

司 贊

化國舒長喜扶桑麗景早出暘谷
陽德方亨萬里堯天晴煦五色呈祥
眩目海內外臣民瞻矚乾坤正快
觀容光鍾山漫照神燭○温生比屋
人間有傾葵丹耿獻曝誠篤永就吾
皇應共效華封三祝願使多男壽福
曜靈與離明馳逐何須問拜節義
和年光一任轉轂

月

太液波澄看遙空雲斂井梧風歇冉冉冰輪光映
 玉樓金闕正遇太平時節喜八萬四千玉輟銅華
 滴夜漏遲遲廣寒仙樂清徹○霓裳按拍更闌日
 姮娥振珮連袂姑射杵臼靈丸敬上長生寶冊
 勸兩宮瓊液灑氣爽桂飄鸞翮惟願取歲歲年年
 團圓常如今夕

風

搖颺蓬瀛漸蕭蕭汎漾微拂千頃重譯占祥造
 神香德積履道無形無影更橐籥洪鈺三素深宮
 喜燕雀高翔合殿遠飄寶鼎○微涼未迥飛揚陋
 徒思猛士橫汾清冷辨悉雄雌祇是蘭臺詞騁上
 遡虞廷勝境迎薰把五絃操軫四時應律修通常
 送卿雲麗景

雲

非霧非煙看紛紛郁郁輪囷飄緲蒼蔚朝躋倏忽
 氤氳蓬島瑞彩彤庭旋繞方車蓋頃成羽葆仙葩
 儼玉葉金枝常覆琪花瑤草○呈祥未了濟時喜

觸石五岳爲霖八表黃火豐年青應賢良國寶遙
想廣成論道翩翩至帝鄉幽室何須問穀食鶉居
乘虛萬年不老

春

調寄千秋歲下三首同

青陽布煖壽域鴻鈞轉仙桃醉晴絲捲新波溢玉
隄淑氣輝金殿芳菲日建章宮樹流鶯轉○膏雨
盈畿甸霈澤乾坤徧世登三曆紀萬賞花陋宋會
旣醉宜周燕雍熙樂年序數辰承天眷

夏

朱明扇穆長養欣生育榴薦紅荷翻綠虬影舞仙
槐龍種看新竹微雨過峯瞻萬歲懸飛瀑○合殿
爐香馥永日縹緗讀清虛境銷炎燠已頒滌暑冰
更賜含風服聖情豫南薰時送虞廷曲

秋

清商澄霽木脫炎雲退玉露零金風至飽宜鼓腹
歌醉見豐年瑞民相告西成盡出吾皇賜○喜值
虹流會時與華封際咸虎拜綿鳳曆甘谷薦初英
壽筭浮仙桂齊祝讚太平萬萬千千歲

冬

玄英寧止嘉候書雲美玉樹茂繁苞啓芳殿靄晴
暉椒宮詠麗綺豐稔兆天花亂剪瑤池水○皇情
軫閭里飢寒恒切已善苑春契晏子十行恩詔下
四海春溫裏樂歲暮鳳城雙闕歌鍾起

過申伯碑

鳳凰臺上憶吹簫

張

鉞

清苑人
州牧

元舅勲名真卿墨蹟豐碑屹立千秋是周宣唐代
往哲遺留悵望王孫去後斜陽外草綠盈疇人民
換山川猶是舞罷歌休 凝眸青瑛一片別蘇餞

苔斑石點參鈿篆青天馬老古碣偏悠試讀前朝
詩刻還南國德美微棠甘棠在遺民憶舊對此神

遊

追賦環翠亭

念奴嬌

仝

前

風流刺史傷元勲祠畔結宇高築四壁不遮憑遠
眺雨餘家密如沐清露花馬嘶芳草此景山城
獨從容退食烟光空翠滿窗 幾度淚打孤原風
吹古成苔積殘垣綠竹 丹葉無松栢香斜日暮雲
多子燠寒冬星遺基一井想 遙望綠波懷長嘯

變遷都村燕鹿

舊志曰藝文之收以有關風土形勝人文者爲要第
前此盛時家藏細帙戶挾青箱則撿採爲易今秦
焰之後勿論作者寥寥卽有棗梨俱隨劫灰以盡
何能鱗集如昔時哉亦舉目所及見者耳夫採之
易則收貴嚴集之難則收貴寬崑崙之圃玉以抵
鵲三家邨人得一粒璣重械珍之無他有無之情
異也然亦僅矣

Blank manuscript page with vertical columns.

